

Հրահանգներ բոլոր եղանակների միացման

Ազգայնագրի
ԲԼՈՂՆՈՏ - ԷՍԿԵԼԿԱՅ

ՍՈՑԻԱԼԻՍՏԱԿԱՆ ԱՇԽԱՏԱՆՔԻ ՀԵՐՈՍ
ՄԱՐԻԱՄ ՄԱՐՏԻՐՈՍՅԱՆԻ
ՓՈՐՁԸ

179

ՀԱՅԿԱՍՏԱՆԻ ՀԱՅԴԱՍՏԱՆԻ ՀՐԱՏԱՐԱՆԳՈՒԹՅՈՒՆ
ԵՐԵՎԱՆ, 1947

58-44



2000

3610
47



Սոցիալիստական Աշխատանքի Հերոս
ՄԱՐԻԱՄ ՄԱՐՏԻՐՈՍՅԱՆ

Սոցիալատական Աշխատանքի Հերոս .
ՄԱՐԻԱՄ ՄԱՐՏԻՐՈՍՅԱՆ

Սոցիալիստական հողագործության նովատորները գրանք կոլխոզային գյուղի անվանի մարդիկն են, որոնք պայքարում են կայուն բերքի համար, որոնք հողի կոլեկտիվ մշակումը, ագրոտեխնիկայի կիրառումը խարսխում են պրակտիկայի հարուստ փորձի վրա: Այդպիսիներից է Սոցիալիստական Աշխատանքի Հերոս Մարիամ Մարտիրոսյանը, 22-ամյա վառվռուն կոմերիտուհի:

Հեշտ չի եղել Մարիամ Մարտիրոսյանի համար այդպիսի բարձր կոչման արժանանալը: Դա նրանից պահանջել է ուժերի լարում, երկար ու բրտնաջան աշխատանք: Նա միշտ ձգտել է լավագույններին նմանվել, անվերջ առաջ գնալ՝ ընդհանուր վերելք ստեղծելու համար: Իր մասին նա ասում է, որ ինքը իրեն նպատակ է դրել նմանվել Մարիա Դեմչենկոյին:

Ամեն մեկն ունի աշխատանքի իր ոճը: Մարիամ Մարտիրոսյանի աշխատանքի ոճը յուրօրինակ է և շատ ուսանելի: Նա ունի աշխատանքի կազմակերպման մեծ շնորհ, խստապահանջ է դեպի իր օղակի անդամները, համառ է ու աշխատասեր՝ իր նպատակին հասնելու համար և աներեք՝ հաղթահարելու համար ամեն մի դժվարություն:

Այդպիսի ոճով աշխատելու շնորհիվ է, որ նա իր օղակի 9 անդամների հետ միասին 10 հեկտար հողամասի յուրաքանչյուր հեկտարից 39,5 ցենտներ ցորեն ստացավ:



Բարձր բերք ստանալու ցանկությունը դեռ բավական չէ: Պետք է գիտենալ, թե ինչպես ստանալ այն: Անհրաժեշտ է լավ իմանալ հողի մշակման կանոնները:

Բերքատվության բարձրացման գործում բացառիկ է ցանքաշրջանառության դերը: Ճիշտ ցանքաշրջանառությունն ապահովում է հողի բերրիության հետևողականորեն բարձրացումը, ապահովում է պայքարը մոլախոտերի, վնասատուների, հիվանդությունների դեմ, ապահովում է անասուններին անհրաժեշտ քանակությամբ խոտով: Այդ տեսակետից, Մարիամ Մարտիրոսյանը շատ բարձր է գնահատում ցանքաշրջանառությունը: Նա իր օղակի հողամասում հետևողականորեն կիրառում է կոխողի համար սահմանված 8-դաշտյան ցանքաշրջանառությամբ նախատեսված կուլտուրաների հաջորդականությունը:

Ի՞նչ է արված նրա օղակում այդ տալիություններ:

Մարիամ Մարտիրոսյանի օղակի տասը հեկտար հողամասում 1943 թվականին ցանված է եղել աշնանացան ցորեն:

1944 թվականին՝ դարնանացան ցորեն:

1944 թվականի աշնանը այդ հողամասում կատարվել է սև ցել:

1945 թվականին՝ ցել:

1945 թվականի աշնանը ցանել են աշնանացան ցորեն, որից 1946 թվականին նրանք ստացան ամենաբարձր բերքը Ռեսպուբլիկայում:

Հետևե՛նք, թե ինչպե՛ս է Մարիամ Մարտիրոսյանի օղակը հաջորդականորեն մշակում հողը: Այդ մեզ հնարավորություն կտա հասկանալու, թե ինչո՞ւմ է «դաղտնիքը», որ նրա օղակը ամենաբարձր բերքն ստացավ Ռեսպուբլիկայում:

Նախ և առաջ նշենք, որ Մարիամ Մարտիրոսյանի օղակին ամրացված հողամասը իր բնույթով մեկն է այն հողամասերից, որ մշակում են նրա հարևան օղակ-

ները, բրիգադաները, հարևան կոխողները: Դա շագանակագույն, միջին ավազա-կավային, թույլ քարքարոտ, միջին հզորության, անջրդի հողամաս է՝ հարավարևմտյան թեքությամբ:

ՀՈՂԻ ՄՇԱԿՈՒՄԸ

Ցանքաշրջանառության համաձայն, աշնանացան ցորենը ցանվում է ցելի վրա: Քաջ գիտենալով սև ցելի առավելությունները, Մարիամ Մարտիրոսյանը սովորական վաղ ցելի փոխարեն իր հողամասում 1944 թվականի դարնանացան ցորենի հնձից հետո աշնանը կատարեց սև ցել:

Նախքան հողամասը վարելը, նա իր օղակի անդամների հետ միասին հավաքեց հողամասի քարերը և փոխանակ կուլտուր անելու հողամասում, ինչպես այդ անում են շրջանի շատ կոխողներում, քարերը դուրս տարավ հողամասից: Հողամասի մեջ բացվեցին խամ տեղեր, միջնակներ, որոնց խամ հողը նրանք շաղ տվեցին հողամասի վրա:

Այնուհետև ՍՏՀ-ՆԱՏԻ տրակտորով վարեցին հողամասը: Տրակտորով վարեցին միայն 7 հեկտարը, որովհետև մնացած 3 հեկտարը հողի նվազ հզորության և քարքարոտության պատճառով անհարմար էր տրակտորով վարելու համար: Երեք հեկտարը վարեցին եղան գութանով:

Բարձր բերք ստանալու համար շատ կարևոր է վարի որակը: Մարիամ Մարտիրոսյանը վարի ամբողջ ընթացքում, որը տևեց 3 օր (նոյեմբերի 17-ից մինչև 20-ը), դաժտից չէր բացակայում, հակելով վարի խորությունը և այն բանին, որ դաշտում չմնան խամ տեղեր (խարակներ): Այդ գործը Մարիամը լավ գիտե՛ր: 25-՝ որ նա ինքն էլ տրակտորիստ է, ավարտել է Երևանի Գյուղմեխանիզացիայի դպրոցը: Նրա պահանջով վարը կատարվեց 24—26 սանտիմետր խորությամբ՝ տրակտորով, 20—22 սանտիմետր՝ գութանով:

Այսպիսով, վարի որակն ապահովված էր, հիմք էր

գրված հաջորդ տարվա բարձր բերքին: Բայց դա բոլորը չէր: Դա լավ գործի միայն լավ սկիզբն էր: Սկսվում է համառ, քրտնաջան աշխատանքի շրջանը՝ սև ցեղի մշակությունը, որը պետք է բազմապատկեր հետագա հաջողությունները, ապահովեր բարձր բերք ստանալը:

ՏԵԼԻ ՄՇԱԿՈՒԹՅՈՒՆԸ

1945 թվականի դարունն է: Հաղթանակի դարունը: Մարիամի խանդավառ կոմերիտական հոգին տենչում է ստանալ հաղթանակին վայել բերք: Սկսվում է համառ պայքար հողի հետ, պայքար, որը պետք է հողին ստիպել բարձր բերք տալ:

Գարունը բացվելուն պես, երբ հնարավորություն ստեղծվեց դաշտ դուրս գալու, Մարիամի օղակն սկսեց փոցխել ցեղը, որի շնորհիվ ցեղի մակերեսը լավ հարթվեց և ստեղծվեց հողի փուխը շերտ, որն ապահովում է հողի մեջ ձմռան ընթացքում կուտակված խոնավության պահպանումը:

Մայիսի 5-ին, երբ դարնանային անձրևներից հետո երևացին մոլախոտերը և երբ հողի երեսը զգալիորեն կեղևակալել էր, ՄՍԶ տրակտորով կատարվեց կրկնավար՝ 16-18 սանտիմետր խորությամբ: Նախքան կրկնավարը հողի երեսը դուրս եկած քարերը դաշտից հեռացրին և ապա կատարեցին հողի պարարտացում խոն աղբով: Հետո դաշտ տեղափոխեցին 200 սալ խոն աղբ, որը հավասարապես փռեցին ամբողջ հողամասի վրա: Որպեսզի աղբը հավասար փռվեր, այն կատարեցին յոթ պես. հողամասը բաժանեցին հավասար երկանակի շերտերի և յուրաքանչյուր շերտի վրա դոգնոցներով, դուլներով, բահով շաղ տվին խոն աղբը: Որակով կատարված կրկնավարն ապահովեց ծլած մոլախոտերի ոչնչացումը և պարարտանյութի փառնումը հողին:

Որովհետև ցեղի մեջ խոնավություն կուտակելը շատ կարևոր է, այդ պատճառով կրկնավարի ընթացքում

միաժամանակ կատարեցին փոցխում՝ զիզազ փոցխով, փոցխը կցելով դուխանին:

Անցան օրեր: Հողի մեջ դեռ մնացած մոլախոտերի սերմերն սկսեցին ծլել, որին զգալի չափով նպաստել էին տեղական անձրևները: Անհրաժեշտ էր ուժեղ պայքար մղել մոլախոտերի դեմ, քանի որ նրանք մեծ չափով կլանում են հողի խոնավությունը, վերցնում անհրաժեշտ սննդանյութերը, դրանով իսկ նվազեցնելով բերքը:

Մոլախոտերի ոչնչացման լավագույն միջոցը ցեղի կուլտիվացիան է, որը և կատարեցին նրանք երկու անգամ՝ հունիսի 8-ին և հուլիսի 17-ին: Երկու դեպքումն էլ կուլտիվացիան կատարվեց 12 թաթանի տրակտորային կուլտիվատորի միջոցով՝ 6—8 սանտիմետր խորությամբ: Յուրաքանչյուր անգամ կուլտիվացիային հաջորդում էր փոցխումը: Ցեղի նման մշակումը բավականաչափ մաքրեց հողը մոլախոտերից:

ՀՈՂԻ ՆԱԽԱՊԱՏՐԱՍՏՈՒՄԸ ՑԱՆՔԻՆ

Բարձր բերք ստանալու համար շատ կարևոր նշանակություն ունի ցանքի ճիշտ ժամկետի ընտրությունը: Աշնանացանն ուշ կատարելու դեպքում չի ապահովվում ցորենի թփակալումն ու արմատակալումը հենց աշնանը, որի հետևանքով հաճախ տեղի է ունենում աշնանացանի ցրտահարում, մանավանդ երբ ձյան ծածկույթը բարակ է լինում և ձմեռը՝ ցրտաշունչ: Այդ բանը լավ հասկանալով, Մարիամը մեծ տեղ էր տալիս ցանքի ժամկետի ընտրությանը:

Բայց ցանքից առաջ հողը հարկավոր էր լավ նախապատրաստել: Որովհետև այդ ժամանակ հողամասի վրա կային որոշ չափով մոլախոտեր և հողի մակերեսային շերտը փոքր ինչ ամրացել էր, ուստի նրանք կատարեցին հողամասի նախացանքային մշակություն՝ տրակտորային մակերեսային վար 8—10 սանտիմետր խորությամբ, այն դարձյալ զուգակցելով փոցխման հետ:

Հողը պատրաստ էր իր մեջ ընդունելու սերմացուն,
նա հասունացել էր: Մնում էր պատրաստել սերմացուն:

ՍԵՐՄԱՑՈՒԻ ՆԱԽԱՊԱՏՐԱՍՏՈՒՄԸ

«Ինչ՞ ցանես, այն կհնձես» — ասում է ժողովրդական առածը: Այդ լավ գիտեր Մարիամը: Այդ բանը հաճախ էր լսել նա իրենց գյուղի ծերերից, իր հորից, ուստի նա իր ձեռքը վերցրեց սերմացուի նախապատրաստման կարևոր գործը: Երբ բրդագործը ընկ. Բ. Կարապետյանը կոլխոզից ստացավ սերմացուն, Մարիամը վերցրեց իր բաժինը՝ 10 հեկտարի համար: Սերմացուն կոլխոզում մշակվող աշնանացան ցորենի «ստեպնյաշկա» սորտն էր: Բուդյոննու անվան կոլխոզում, ինչպես նաև հարևան կոլխոզներում, այդ սերմացուն տեղական պայմաններում լավ բերք է տալիս:

Սերմացուն ստանալուց անմիջապես հետո օդակը ձեռնամուխ եղավ նրա զտմանը: Զտիչ մեքենայով (տրիեր) անցկացնելուց հետո, սերմացուն մեծ չափով ափսքվեց մոլախոտերի սերմերից և նվազ ու ջարդված հատիկներից:

Բայց այդ դեռ չէր բավարարում Մարիամին. նա ձգտում էր սերմացուն դարձնել լիարժեք, այնպես որ հողի մեջ դրած յուրաքանչյուր հատիկը ծլեր: Այդ պատճառով էլ նա կատարեց երկրորդ զտում, և դեռ զրանով էլ չբավականանալով, սկսեց կազմակերպել սերմացուի հատընտիր զտումը:

Որպեսզի համոզվեիր, որ սերմացուն բարձրորակ և լիարժեք է, Մարիամը կոլխոզի ագրոտեխնիկ Արամայիս Անտոնյանի հետ միասին կատարեց սերմի ծլունակության ստուգում, որը տվեց հրաշալի արդյունք և փարատեց Մարիամի աննշան կասկածներն անգամ սերմացուի որակի նկատմամբ: Սերմացուն գերազանց որակի էր: Այդ հաստատեցին նաև սերմ ստուգող շրջանային լաբորատորիայի տվյալները: Սերմացուն գերազանցում էր կոնդիցիայի տեսակետից սահմանված բոլոր նորմաները:

Բայց դա դեռ բոլորը չէր, կար մի ձեռք, որտեղից խտանդ կարելի էր սպասել բարձր բերք ստանալու համար — դա հիվանդություններով վարակվելու վտանգն էր: Եվ ահա Մարիամի օդակը կատարում է սերմացուի թաց ախտահանում ֆորմալինով և այն էլ որակով, այնպես, որ յուրաքանչյուր հատիկ զերծ մնա վարակից:

Երբ օդակի մյուս անդամները պարկերի մեջ էին լցնում ախտահանված սերմացուն, Մարիամն արդեն դաշտում ստուգում էր, թե շարքացանը պատրաստ է ցանքի համար: Ամեն ինչ կարգին էր:

ՑԱՆԲԸ

Հողը պատրաստ էր, պատրաստ էր սերմացուն, պատրաստ էր շարքացանը, կազմ ու պատրաստ էին և խանդավառ կոմերիտականները:

Մարիամի համար սկսվում է հուզմանալից մի շրջան: Նա մի պահ հիշեց, որ խոստացել է բարձր բերք ստանալ՝ հեկտարից 200 փութ, հիշեց Օֆիկ Մադոյանին, որի հետ մրցման մեջ էր մտել, հիշեց, որ երկրին շատ հաց է պետք: Նրա աչքերի առջև կինո-ժապավենի նման անցան շատ բաներ: Նրա դեմքը վարդագույն շղարշով էր պատվել, նա բերկրանք էր ապրում:

Սկսում են ցանքը: Մարիամն ինքն իրեն մրմնջում էր — «Մեկ ցանեմ, որ հազար բուսնի»:

Ցանքը կատարվեց տրակտորային շարքացանով սեպտեմբերի 5-ին: Յուրաքանչյուր հեկտար հողամասում ցանվեց 170 կիլոգրամ սերմ: Ցանքի ընթացքում Մարիամը հաճախ ստուգում էր՝ արդյոք շարքացանի բոլոր սերմատարները հավասար չափով են թողնում սերմացուն հողի մեջ, հավասար խորությունը:

Սերմացուն հավասարապես էր ցանվում, այդ բավարարում էր խոստապահանջ Մարիամին:

Սկսվում է մի նոր շրջան:

Մարիամը հաճախ այցելում է իր արտը: Նա սպասում էր և այն էլ սրտատրուփ... Սպասում էր առաջին ծիլերին: Նրան նույնիսկ շատ երկար թվացին այդ սպասման օրերը, մինչ որ մի գեղեցիկ առավոտ նա հողի երեսին նկատեց ծիլերը: Յանքի տասներորդ օրը, շնայած անձրևների բացակայությանը, հողի լավ մշակման շնորհիվ, նրա մեջ կուտակված խոնավության շնորհիվ սերմերը ծլեցին: Չկար նրա համար ավելի բերկրավի օր, քան այդ օրը: Նա շոյված էր զգում իրեն:

Օրըստօրե ծիլերը բարձրանում էին, դաշտին կանաչ գույն տալով:

— Առատ բերք կտա դաշտը, — մտածում էր Մարիամը, — ես դրա համար շատ բան եմ արել:

Օրեցօր ամրանում և թփակալում էր ցորենը:

Սկսվեցին ցրտերը: Եկավ առաջին ձյունը, որը ծածկեց և պատսպարիչ սալմանի նման իր տակն առավ լավ աշնանացանը:

ԱԳՐՈՏԵԽՆԻԿԱՅԻ ԽՄԲԱԿԸ

Ձմռան ընթացքում կոլխոզում կազմակերպվեց ագրոխմբակ, որտեղ բոլոր բարձր բերքի օղակների անդամները ծանոթանում էին հողի մշակման կանոններին: Այդ խմբակի ակտիվ անդամներն էր նաև Մարիամ Մարտիրոսյանը՝ իր օղակի անդամներով: Պարապմունքների ժամանակ նա պատմում էր իր փորձի մասին: Խմբակի հետ պարապում էր կոլխոզի փորձառու ագրոտեխնիկ Արամայիս Անտոնյանը:

Ագրոխմբակում օղակի անդամները բավականին լիցք ստացան և պատրաստվեցին դարձանային աշխատանքներն սկսելու համար:

ՑԱՆՔԻ ՄՇԱԿՈՒՄԸ

1946 թվականի դարունն է:

Երբ ձյունը հալվեց և դաշտերը բացվեցին, Մարիամն անմիջապես ստուգեց իր դաշտը: Աշնանացանը

լավ վիճակում էր, ցրտահարված կամ նեխած տեղեր չկային: Դա մեծ ուրախություն պատճառեց Մարիամին և նա սկսեց ծրագրել իր հետագա աշխատանքը: Անհրաժեշտ էր ժամանակին կատարել աշնանացանի փոցխումը, սնուցումը, քաղհանը, որոնք պետք է ապահովեին ապագա բարձր բերքը:

Երբ հողի երեսն այնքան շորացավ, որ հնարավոր դարձավ դաշտ դուրս գալ, Մարիամն իր օղակով ձեռնամուխ եղավ աշնանացանի փոցխմանը: Դա ապրիլի 10-ին էր: Նախքան փոցխումը, օղակը ցանքերի սնուցման համար դաշտ էր փոխադրել մոտ 60 սալ խառն աղբ, որը հավասարաչափ շաղ տվեցին ցանքի վրա: Դա շատ կարևոր ձեռնարկում էր:

Փոցխելու շնորհիվ փխրեցվում է հողի կեղևակալած շերտը ու հնարավորություն է ստեղծվում օդի թափանցման համար դեպի ցորենի արմատները և միևնույն ժամանակ կանխվում է ջրի անտեղի գոլորշիացումը հողից, որն անջրդի պայմաններում բացառիկ նշանակություն ունի հացահատիկի հետագա զարգացման համար:

Մի քանի օրից հետո փոցխելու արդյունքն ակնառու դարձավ: Աշնանացանը փարթամացավ և մուգ կանաչ գույն ստացավ: Առավոտյան ցողապատ աշնանացանը մարդարտի փայլով ժպտում էր նայողին: Ցանքն օր-օրի վրա աճում էր, փարթամանում: Բայց հողի մյուս քանի փոքրիկ հատվածներում ցանքի աճումը հետ էր մնում, որը խիստ մտատանջություն էր պատճառում Մարիամին: Անհրաժեշտ էր միջոցներ ձեռք առնել այդ բացը շտկելու համար, և նա այդ խնդիրը լուծեց վարպետորեն: Նրանք տակառներով դաշտ փոխադրեցին գոմաղբի հեղուկ և հողի փոքրիկ հատվածները ցողեցին դրանով (ավելների միջոցով): Այդ կատարվեց մեկ օրում, մայիսի 20-ին:

Տեղացող անձրևներից հետո աշնանացանն սկսեց

արագորեն աճել, բայց դրա հետ միասին աճում էին հողի մեջ մնացած մոլախոտերը:

Սկսվեց պայքարը մոլախոտերի դեմ: Հունիսի 5-ին օդակը կատարեց առաջին քաղհանը: Օդակի անդամները, մրցելով իրար հետ, դաշտի առանձին հատվածներ էին վերցրել քաղհանելու համար: Քաղհանած մոլախոտերը հեռացնում էին դաշտից:

Քաշտը մաքրվեց մոլախոտերից, բայց օդակը նախատեսում էր, որ մոլախոտերը կարող են նորից երևան գալ: Եվ իրոք, հունիսի վերջերին նրանք երևացին, բայց ավելի քիչ:

Հունիսի վերջերին կատարվեց երկրորդ քաղհանը: Այդ ժամանակ աշնանացանն արդեն այնքան էր աճել, բարձրացել, և հզորացել, որ մոլախոտերի հետագա առաջ գալը այլևս վտանգ չէր ներկայացնում:

Քաղհանից հետո Մարիամի օդակն սկսեց պայքարը դաշտային մկների դեմ: Նրանք մկան բները շուրջին լցնում, կիսախեղդ եղած մկները դուրս էին գալիս բներից, որոնց ոչնչացնում էին տեղն ու տեղը: Նրանք մկների դեմ պայքարում էին նաև մկնդեղի միջոցով:

Երբ ցորենը հասկալից, նշմարելի դարձան նաև դաշտամոլախոտային աշորայի (չալդարի) հասկերը, որոնք աշնանացանի մեջ նույնպես մոլախոտ են համարվում: Դրանց քաղհանումը կվնասեր նաև ցորենին՝ արմատահան կաններ ցողունները: Ուստի օդակի անդամները մկրատներով մեկ առ մեկ կտրատում էին աշորայի հասկերը և դրանք հեռացնում դաշտերից:

1946 թվականի ամռանը անձրևային եղանակները նպաստավոր պայմաններ ստեղծեցին «ժանդի» երևալու համար: Տեղ-տեղ ցորենը պառկեց, որը պատճառ հանդիսացավ բերքի որոշ կորստի:

—Սկսուս որ,—ասում է Մարիամը,—«ստեպնյաչկա» սորոսն իր մի շարք առավելությունների հետ միասին ժանդագիմացկուն չէ: Լավ կլինեք այդպիսի մի սորոս ունենալ:

ԲԵՐՔԱՀԱՎԱՔԸ

Սկսեց հասունանալ ցորենը, ոսկեգօծվեցին արտերը, ամրացավ հատիկը հասկի մեջ: Սկսվում է գյուղատնտեսական աշխատանքների ամենապատասխանատու շրջանը՝ բերքահավաքը: Այժմ ամբողջ խնդիրն այն է, որ հավաքվի քրտնաջան աշխատանքի առատ պտուղը:

Օգոստոսի 6-ին սկսվեց հունձը: Անհրաժեշտ էր արագ կատարել այդ գործը և օդակը այն կատարեց երեք օրում: Հունձը կատարեցին գերանդիներով, որից հետո հավաքեցին, խուրձ արին հնձածը: «Ո՛չ մի հասկ չթողնել գետնին»,—այս էր օդակի սոցմրցման պարտավորություններից մեկը, և նրանք մեկ առ մեկ հավաքում էին գետնին ընկած հասկերը: Խուրձերը կիտում են կալսման համար: Կալսումը կատարվեց հենց դաշտում, կալսիչ մեքենայով, օգոստոսի 11-ին:

Օդակի անդամների և նրա ղեկավար Մարիամ Մարտիրոսյանի ռախտությունը չափ ու սահման չկար: Նրանք կատարել և գերակատարել էին սոցիալիստական մրցության պայմանագրով ստանձնած իրենց պարտավորությունները: Տասը հեկտարից նրանք ստացան 395 ցենտներ մաքուր, բարձր որակի ցորեն—յուրաքանչյուր հեկտարից 39,5 ցենտներ (247 կոմբ): Եվ, որովհետև Մարիամի օդակի ստացած ցորենը բարձրորակ և առողջ էր, կոլխոզի վարչությունը որոշեց այն պահել որպես սերմացու:

Մարիամ Մարտիրոսյանի բարձր բերքի ցուցանիշների համեմատությունը կոլխոզի միջին ցուցանիշների հետ, տալիս է հետևյալ պատկերը.

**ՅՈՐԵՆԻ ԲԱՐՁՐ ԲԵՐՔԻ ՕՂԱԿՆԵՐԻ ԿԻՐԱՌԱԾ ԱԳՐՈ-
ՉԵՌՆԱՐԿՈՒՄՆԵՐՆ ՈՒ ՍՏԱՅԱԾ ԲԵՐՔԸ**

ՑՈՒՑԱՆԻՇՆԵՐԸ	Մարիամ Մարտիրոսյանի օղակի ցանքերում (միջինը)	Կոլխոզի ցանքերում (միջինը)
1. Բույսերի բարձրու- թյունը	135 սանտիմետր	102 սանտիմետր
2. Թփակալումը (ցողուն- ների թիվը մեկ թփի վրա)	8 հատ	3 հատ
3. Հասկի երկարությունը	9 սանտիմետր	5 սանտիմետր
4. Հատիկների քանակը մեկ հասկի մեջ	42 հատ	24 հատ
5. Հազար հատիկի քաշը	45,5 գրամ	33,6 գրամ
6. Միջին բերքատվու- թյունը	39,5 ցենտներ	9,34 ցենտներ

Այս աղյուսակը պարզ ցույց է տալիս, որ Մարիամ Մարտիրոսյանի օղակի կիրառած միջոցառումները տվել են հրաշալի արդյունք, որն արտահայտված է բո-
լոր ցուցանիշների մեջ: Այդ բոլորը խելացիորեն մտած-
ված և հմտորեն կիրառված ագրո-ձեռնարկումների
կոմպլեքսի արդյունքն են:

Զի կարելի բարձր բերք ստանալ, եթե չի կատար-
վում ագրո-ձեռնարկումների լրիվ կոմպլեքսը: Զիթհան-
քովի Բուդյոննու անվան կոլխոզում (կոլխոզի նախա-
գահ Ն. Միքայելյան) ցորենի բարձր բերքի օղակների
կիրառած ագրո-ձեռնարկումները և ստացված բերքը
դրա լավագույն ապացույցն են:

Օղակավարի անունը և ազգանունը	Տարածու- թյունը հեկտարներով	Մեղմացու- նի հատ- վածքը կար	Ցեղ		Ցեղի կուլ- տի- վա- ցիա	Հատի- կի քան- կը մեկ հատի- կում	Պարար- կան նյութ- երի քան- կը տոննայով	Լրացուցիչ սնուցում	Անձնաճան- ցանի փո- խար- կի քան- կը	Բերքը ցենտներով
			Ս և	Վ և Պ						
Մարիամ Մարտիրոսյան	10	+	+	+	+	+	+	+	+	39,5
Օֆիկ Մադոյան	10	+	+	+	+	+	+	+	+	38,0
Անուշ Բոյաջյան	6	—	+	+	+	+	+	+	+	32,0
Եվդոս Ասլանյան	4	—	+	+	+	+	+	+	+	20,0
Էմմա Գալստյան	6	—	+	+	+	+	+	+	+	18,0

ԾԱՆՈԹՈՒԹՅՈՒՆՆ

- + Նշանը կատարված ագրոձեռնարկումն է,
- նշանը՝ չկատարված:

Այս աղյուսակից երևում է, որ Էմմա Գալստ-
յանի և Եվդոս Ասլանյանի օղակները կիրա-
ռելով խորը վար, վաղ ցել, միանվագ կուլ-
տիվացիա, պարարտացում խառն աղբով, ցանքի
փոցիում և քաղհան, ստացել են՝ առաջինը — 18 ցենտ-
ներ, իսկ երկրորդը — 20 ցենտներ ցորենի միջին բերք:
Անուշ Բոյաջյանի օղակը այդ ձեռնարկումներից
բացի, կիրառել է նաև վաղ ցելի կրկնավար, կուլտի-
վացիա և աշնանացանի լրացուցիչ սնուցում, որի շնոր-

Հիվ նա բերքատվությունը հասցրեց 32 ցենտներին
լենինի շքանշանակիր Օֆիկ Մադոյանի օղակը այդ
բոլորից բացի կատարել է սերմացուի հատրնտիր
գտում և հասել է ավելի բարձր արդյունքի. նրա օղակի
միջին բերքը կազմում է 38 ցենտներ:

Իսկ Սոցիալիստական Աշխատանքի Հերոս Մարիամ
Մարտիրոսյանի օղակը, որը վարպետորեն ու բարձր
րակ կատարելով այդ բոլորը, օգտագործեց նաև սև
ցելի առավելությունները, հասավ Ռեսպուբլիկայում
ռեկորդային բերքի՝ ստանալով հեկտարից 39,5 ցենտ-
ներ բարձրորակ ցորեն:

Լավ աշխատանքն իր լավ պտուղները տվեց: Մա-
րիամ Մարտիրոսյանը 1946 թվականին վաստակեց
262 աշխօր, որի դիմաց նա ստացավ 917 կիլոգրամ
ցորեն կոլտոգի միջին հասույթից և, որպես բարձր բերք
ստացող, նրան լրացուցիչ վարձատրություն տվեցին
ևս 393 կիլոգրամ ցորեն: Այսպիսով, Մարիամ Մարտի-
րոսյանը 1946 թվականին ստացավ 1310 կիլոգրամ ցո-
րեն, չհաշված այլ մթերքներ:

Մեր Պարտիան առաջնակարգ նշանակություն է
տալիս գյուղատնտեսության ամենաարագ զարգացման
ու վերելքի գործին, որպես ՍՍՌՄ ժողովրդական տնտե-
սության հաջող զարգացման և ժողովրդի նյութական
բարեկեցության հետագա բարելավումն ապահովելու
անհրաժեշտ պայման: Եվ այդ շատ լավ է հասկացել ու
փայլուն կերպով կենսագործում է կոմերիտուհի Մա-
րիամ Մարտիրոսյանը: Նա չի հանգստանում իր ձեռք
բերած հաջողություններով. նա իր օղակով պարտավո-
րություն է ստանձնել Հոկտեմբերյան Սոցիալիստական
Մեծ ռեվոլյուցիայի 30-րդ տարեդարձը դիմավորել է՝
ավելի բարձր ցուցանիշներով:

Սոցիալիստական Աշխատանքի Հերոս Մարիամ
Մարտիրոսյանը մեկն է սոցիալիստական գյուղատն-
տեսության նովատորներից, որի փայլուն օրինակին
պետք է հետևեն բոլոր կոլտոցիկները:

Խմբագիր՝ Կ. ՎԱՐԴԱՆՅԱՆ

ՎՁ 01035, պատվեր № 459, արժեք 10000.

Ծածրագրված է տպագրության 27/III, 1947 թ.

Հայկական ՍՍՌ Մեխատրոնիկայի և Հրատ
վարչության № 2 տպարան, Երևան.

1435-54